

INIGISAT



ILLULIORTITERNERNUT ANINGAASALERSUINEQ PILLUGU INATSIT

2020-mi naqitaq siulleq. Ineqarnermut Attaveqaqatigiinnermullu Naalakkersuisoqarfik. Quppersakkami uani ilaatigut inissianik aningaasalersuisarneq pillugu inatsit, qanoq ililluni taarsigassarsinissamut qinnuteqartoqarsinnaanera, taarsigassarsinissamut piumasaqaatit, taarsigassarsiarititassanut killissarititaasut, taarsigassarsiat akilerneqartarneri il.il. paasissutissat nassaarisinnaavatit.

IMARISAI

01

NALINGINNAASUMIK

01 AALLAQQAASIUT

01 QINNUTEQARNEQ

02 PIGINNITTUT NIKINNERI

03 TAARSIGASSARSARITITAT PIFFISSAMI AKILERSORNEQARFISSAANNI
PIUMASAQAATIT NALINGINNAASUT

04 TAARSIGASSARSIANIK PIFFISSAQ SIOQQULLUGU TAMAKKERLUGIT
AKILINEQ

06 INATSISIT

29 OQAATSINUT NASSUIAAT

07

NUTAANIK INISSIALIORNEQ

07 AALLAQQAASIUT

09 TAARSIGASSARSARITITANUT KILLILIUSSAT

11 TAARSIGASSARSITINNEQARNISSAMUT PIUMASAQAATIT

12 QINNUTEQARNEQ

13 TAARSIGASSARSAT TUNNIUNNEQARNERAT

14 PIGINNITTUNUT TUNNGASUNI ALLANNGORTOQARNERA

14 INATSISIT

31 OQAATSINUT NASSUIAAT

15

ILUARSAASSINISSAMUT TAARSIGASSARSIARITITAT

15 AALLAQQAASIUT

16 PIUMASAQAATIT

17 QINNUTEQARNEQ

18 INISSIAMIK PIGINNITTUNI ALLANNGORTOQARNERA

19 INATSISIT

32 OQAATSINUT NASSUIAAT

21

SORAARNERUSSUTISIALINNUT TAARSIGASSARSITITSINEQ

21 AALLAQQAASIUT

22 KOMMUNIMIT TAARSIGASSARSINISSAMUT
PIUMASAQAATIT

23 QINNUTEQARNEQ

34 OQAATSINUT NASSUIAAT

25

**TAPERSIISSUTITALIMMIK INISSIALIORTITER-
NERMUT ILLULIANIK ILUARSAASSINEQ**

25 TAPIISSUTEQARNISSAMUT PERIARFISSAT

QQAATSIT ULLORIAASANIK NALUNAAQUTSIKKAT

Quppersakkami matumani oqaatsit, ulloriaasamik imaattumik * nalunaaqutsersimasut naammattoortassavatit – Ulloriaasaq isumaqarpoq, oqaaseq quppersakkap tunuani nassaarisinnaagit, tassanilu isumaa itisiliiffigalugu nassuiaat nassaarisinnaavat.



ILLULIORTITERNERNUT ANINGAASALERSUINEQ PILLUGU INATSIT

NALINGINNAASUMIK



AALLAQQAASIUT

Illuliortiternernut aningaasalersuineq pillugu Inatsisartut inatsisaat ulloq 1. januar 2018 aallarnerfigalugu atuutilerpoq.

INATSIT TAANNA MALILLUGU KOMMUNI MAKKUNINNGA TAARSIGASSARSITITSISINNAVOQ:

- 1 Inissianik nutaanik sananissamut taarsigassarsititsineq
- 2 Inissianik pioreersunik iluarsartuussinissamut, pitsanngorsaaniissamut allilerinissamullu taarsigassarsititsineq
- 3 Inissianik soraarnerussutisialinnit pigineqartunik iluarsartuussinissamut taarsigassarsititsineq

QINNUTEQARNEQ

Taarsigassarsiarititat taakkua arlaat kissaatigigukku, assersuutigalugu nutaamik illuliornissamut, qinnuteqaat kommunimut nassiutissavat.



PIGINNITTUT NIKINNERI

Piginnittut nikippata, taarsigassarsiarititaa ataatsikkut akilernissaat piginnittutut pisussaaffigivaat.



TAMANNALI ATUUTISSANNGILAQ IMA PISOQARPAT:

- 1 Inissiaq aapparisaamut tunigukku (aappariit iluanni piginnittut nikinnerat)
- 2 Averusernermut imaluunniit avinnermut atatillugu piginnittut nikippata
- 3 Allaanermik kommuni aalajangiippat

Kommunimut akiitsoqarallartillutit – tassa sulii taarsigassarsianik akilersugassaqaruit – piumasaqaatit arlallit malissavatit. Taamaangippat taarsigassarsiaritit akiligassanngussapput, tamatuma kingunerisaanik taarsigassarsiaritit (akiitsut sinneri*) tamaasa ataatsikkut akilertariaqalissavat.

TAARSIGASSARSIARITIT AKILIGASSANNGOR- TINNEQASSAPPUT IMA PISOQARPAT:



- 1 Inissiat paarilluanngikkukku, kommunillu paasippagu qularnaveeqqusiussartik* ajornerulersimasoq
- 2 Inissiaq ikualattoornissamut illullu ajoqusersinnaananut sillimmasersimangikkukku
Inissianik attartortitsisarneq pillugu inatsisartut peqqussutaanni attartornermut akiliutip aalajangersarneqarnera pillugu maleruagassanut akerliusumik inissiaq attartortikkukku. Assersuutigalugu inatsisit malillugit pisussanit qaffasinnerusumik ineqarnermut akiliuteqartitsiguit, imaluunniit inissiaq suliffeqarfimmut attartortinneqarpat
- 3 Inissiami ininik inuussutissarsiornermut atugassianik aaqqissuussisimaguit, imaluunniit inissiamiit inuussutissarsiummik ingerlatsisoqarpat. Inuussutissarsiutilli annikitsut namminersorfiusullu ilaangillat
- 4 Inissiami illit nammineerlutit najugaqanngikkuit

TAARSIGASSARSIANIK PIFFISSAQ SIOQQULLUGU TAMAKKERLUGIT AKILIINEQ



Inissiamik sananissamut taarsigassarsisimaguit, piffissaq sioqqullugu taarsigassarsiavit akilernissaanut periarfissaqarputit. Taarsigassarsisimasutut taarsigassarsiat* tunniunneqareernerisa kingorna ukiut 5-it qaangiunneranni maannakkut nalinganut taarsigassarsiatit tamakkerlugit akilersinnaaleriissavatit.

Akiitsut sinneri **3 %-imik** ernialerlugit Nationalbankillu erniaritittagai* ilanngullugit akilersukkat kingumut naatsorsorneqassapput*.

TAARSIGASSARSIAIT PIFFISSAQ SIOQQULLUGO AKILIINERMUT ASSERSUUT* QUPPERNEMI TULLERMIITTOQ TAKUUK.

PIFFISSAQ SIOQQULLUGU AKILIINERMUT ASSERSUUT:

Inissiamik piginnittoq 2010-mi juulimi Namminersorlutik Oqartussanit aamma kommunimit taamanikkut inissialortiternernut aningaasalersuinermit aaqqissuussinerup ataani katillugit **400.000 koruuninik** taarsigassarsivoq.

Taarsigassarsiat kommunip aamma Namminersorlutik Oqartussat akornanni agguarneqarpoq = Namminersorlutik Oqartussanit **50 %-it 200.000 koruunit**, aamma kommunimit **50 %-it 200.000 koruunit**.

Kingusinnerusukkut, 2018-imi martsimi inissiamik piginnittoq taarsigassarsiap tamakkerlugu akilernissaanik qinnuteqarpoq. Taarsigassarsiat annertussusereqqaagaat, aamma taagorneqartooq taarsigassarsiat aningaasartai, **400.000 koruuniusut** piffissap erniaqartitsiviunanilu akilersuiffissaanngitsup sinnerani **3 %-imik** piffissami tassani ernialerneqassaaq.

Assersuusiami matumani ukiut 12-it. Aningaasat nalingat, taarsigassarsiat aningaasartareqqaagaannut tunngaviusooq amerlisaatigineqassaaq, imatut naatsorsorneqassalluni:

$$100 * 1 / (1+3/100)^{12} = 70,14.$$

Aningasat nalingat naatsorsorneqartooq aallaavigalugu taamaattumik maannakkut naliusooq tassaavoq: $0,7014 * 400.000 = 280.560$ **koruunit**.

Aningaasat sinnerisa maannakkut naliusumut tamakkerlugit* akilerniarlugit inissiamik piginnittup tassa akilissavai katillugit **280.560 koruunit** kommunimut **140.280 koruuninik** aamma Namminersorlutik Oqartussanut **140.280 koruuninik** agguarlugit.

INATSIŠIT

Iluliortiternernut aningaasalersuineq pillugu Inatsisartut inatsisaat nr. 39,
23. november 2017-imeersoq.



ILLULIORTITERNERNUT ANINGAASALERSUINEQ PILLUGU INATSIT

NUTAANIK INISSIALIORNEQ



AALLAQQAASIUT

Inissianik aningaasalersuisarneq pillugu inatsit tunngavigalugu kommunit inissianik nutaanik sanaartornermut taarsigassarsititsinissamut periarfissinneqarput.

Nutaamik inissialiornissaq kissaatigigukku, kommunimut inissialiortiternernut aningaasalersuinissamut taarsigassarsinissamik qinnuteqarsinnaavutit.

Taarsigassarsiat nutaamik inissialiornissamut aningaasartuutit tamarmiusut tunngavigalugit tunniunneqassapput.

Kommunimiilli taarsigassarsiarititassat annerpaamik inissiaq 110 m² tunngavigalugu, aammalu inissiaq anginerugaluarpalluunniit sanaartornermut aningaasartuutissat m²-imut annerpaamik 20.000 koruunit tunngavigalugit naatsorsorneqassapput.

Inissialiortiternernut aningaasalersuinissamut taarsigassarsiarititat ukiuni 20-ini siullerni erniaqaratillu akilersugassaangillat.

Tamatuma kingorna taarsigassarsiat ukiut 15-it tulliuttut annertoqqatigiimmik akilersugassatut taarsigassarsiatut utertillugit akilersorneqassapput.

Tassa imaappoq nutaanik inissialiortiternernut taarsigassarsiarititat ukiut 35-it tikillugit katillugu akilersuiffissaqartillugit tunniunneqartarput.

INISSIANIK ANINGAASALERSUINISSAMUT TAARSIGASSARSIAT

- Taarsigassarsiat erniaqaratillu akilersugassaassangillat: **UKIUNI 20-NI**
- Ukiut 20-t taakku qaangiuppata, taarsigassarsiat akilersorneqassapput: **UKIUNI 15-INI**
- Taamaattumik piffissaq taarsigassarsianik akilersuiffissaq sivilisussuseqarpoq: **UKIUT 35-T**

TAARSIGASSARSIAT ANNERPAAMIK 880.000 KORUUNINIK AMERLASSUSEQARSINNAAPPUT.

TAAMAATTORLI NAJUKKAMI TAARSIGASSARSARITITANUT KILLILIUSSAT EQUMAFFIGINEQAS-SAPPUT. QUPP. 9 TAKUUK.



MALUGIUK!

Inissianik aningaasalersuisarneq pillugu inatsit naapertorlugu kommuni kisimi inissianut nutaanut aningaasalersuutissanik taarsigassarsititsisinnaavoq.

Kommunalbestyrelsi aningaasartuutissanit taarsigassarsiaritinneqarsinnaasut naatsorsussavai. Kommuni aningaasartuutissat procentiinik, inatsimmi allassimasunit ikinnerusunik aalajangiisinnaavoq.

Qinnuteqaatit marluuppata assigiimmik imaqartut, tamatuma saniatigut tamarmik imaluunniit aappaannaa taarsigassarsisinnaassasoq qulakkeerneqanngilaq.



TAARSIGASSARSARITITANUT KILLILIUSSAT

Taarsigassarsarirititat annerpaaffissaannut killiliussanut*, nunami sumi inissialiornissaq kissaatiginerit apeqqutaavoq. Sumiiffiit allat quppernerup tulliani takukkit.

NUUK

2020-mi Nuummi kommunalbestyrelsi inissiamik nutaamik sananermi aningaasartuutissat tamarmiusut **21%-ii** tikillugit taarsigassarsititsinnaavoq. Taamaattorli taarsigassarsiat amerlanerpaamik **462.000 koruuni-ussapput**.

Taamaattoq ukioq 2019 aallarnerfigalugu Nuummi taarsigassarsititsinissamat killiliussat ingerlaavartumik annikilliartuaartinneqartussaammata maluginiassallugu pingaaruteqarpoq.

Tassalu 1. januar 2027 aallarnerfigalugu inissianik aningaasalersuisarnermut inatsit naapertorlugu Nuummi inissianik nutaanik sananermut taarsigassarsititsisoqarsinnaajunnaasaaq.

QAQORTOQ, SISIMIUT, AASIAAT & ILULISSAT

Qaqortumi, Sisimiuni aamma Ilulissani kommunalbestyrelsi nutaamik inissialiornissamat aningaasartuutit tamarmiusut **30 %-iat** angullugu taarsigassarsititsinnaavoq.

Taamaattoq taakkua § 4, imm. 2 malillugu naatsorsorneqartut annerpaaffissaapput, 660.000 koruuninik annerpaamik taarsigassarsititsinissamat naapertuullutik.

MANIITSOQ, AASIAAT & TASIILAQ

Maniitsumi, Aasianni aamma Tasiilami kommunalbestyrelsi aningaasartuutit tamarmiusut **35 %-ii** tikillugit taarsigassarsititsinnaavoq.

Taamaattoq taakkua § 4, imm. 2 malillugu naatsorsorneqartut annerpaaffissaapput, **770.000 koruuninik** annerpaamik taarsigassarsititsinissamat naapertuullutik.



SUMIIFIIT ALLAT

Illoqarfinni nunaqarfinnilu,
illoqarfinni matuma siuliani
allassimasuniinngitsuni
kommunalbestyrelsi
aningaasartuutit tamarmiusut
40 %-ii tikillugit
taarsigassarsitisisinnaavoq.

Taamaattoq taakkua § 4, imm. 2
malillugu naatsorsorneqartutut
annerpaaffissaapput, **880.000**
koruuninik annerpaamik
taarsigassarsititsinissamut
naapertuullutik.

Sanaartornermut
aningaasartuutit* tamarmiusut
sinnerinut nammineerlutik
aningaasassarsiussaati.

Tamanna isumaqarpoq, Sisimiuni
taarsigassarsitinneqarnissamut
taarsigassarsinissamut
neriorsuummik* pissarsiguit,
30 %-it angullugit kommunimit

taarsigassarsitinneqarsinnaavutit.
Inissiaq 110 m²-imik
annertussuseqassappat,
aammalu agguaqatigiissillugu
kvadratmeterimut akigititaq
20.000 koruuniulluni,
tamakkiisumik sanaartornermut
akigititaq **2.200.000**
koruuniusimassaaq
Tamatum kingorna **2.200.000**
koruunit taakkua **30 %-ii**
tikillugit kommunimit
taarsigassarsitinneqarsinnaavutit,
taakkualu **660.000**
koruuniupput.

Aningaasanit sinneruttut
(illit nammineq akiligassatit)
1.540.000 koruuniusut, illit
taarsigassarsisutut nammineerlutit
isumagissavatit.

Tamanna nalinginnaasumik
aningaaserivimmit imaluunniit
reakredit-imit taarsigassarsinikkut
pisinnaassaaq.



TAARSIGASSARSITINNEQARNISSAMUT PIUMASAQAATIT

Taarsigassarsitinneqarnissamik neriorsuummik* pissarsinnginnermi pisussaaffiliisunik sanaartugassamut akigititanut isumaqatigiissuteqartoqarsimassanngitsoq imaluunniit illuliornermik sanaartorneq aallartinneqarsimassanngitsoq kiisalu illuliornermi illuliornermut pilersaarusernnullu inatsisit atuuttut naammassineqarsimanissaat, piumasaqaataapput.



AAMMATAAQ MALUGINIAQQUNEQARPOQ, INISSIAMIK ANINGAASALERSUINISAMUT TAARSIGASSARSISOQASSAPPAT:

- 25.000 koruunit sinnerlugit pisortanut akilinngitsuukkanik akiligassanngoreersunik akiitsoqaqqusaanngilatit.
- Illuliornermik suliaqarneq aallartissimassanngilat imaluunniit entreprenørimumut pisussaaffiliisumik isumaqatigiissuteqarsimassanak
- Illuliornermi illuliornermut pilersaarusernnullu inatsisit naammassisimassavatit

QINNUTEQARNEQ

Nutaanik inissialiornissamut taarsigassarsinissamik qinnuteqarnissaq kissaatigigukku, kommunimut qinnuteqaammik nassiussissaatit. Nassiussat tunngavigalugu taarsigassarsititsisoqarsinnaanersoq imaluunniit taarsigassarsititsisoqarsinnaannginnersoq kommuni aalajangiissaaq.

TAARSIGASSARSINISSAMIK QINNUTEQAAMMISSAPPUT:



- 1** Suliassamut nassuiaat inissiat amerlassusaat aamma inissiami ataatsimi inissiap angissusaa pillugit paasissutissartaqartoq.
- 2** Illuliornermi sanaartornermut aningaasartuutitut tamarmiusunut missingersuutit*
- 3** Kommunimit nunaminertamik inniminniineq imaluunniit nunaminertamik atugassiineq*
- 4** Ilaanut aningaasalersuisinnaanermut uppernarsaat
- 5** Qinnuteqartup kinaassusaa ersarissaq, assersuutigalugu CPR-normu imaluunniit najukkamut uppernarsaat
- 6** Qinnuteqartoq pisortanut akilerneqanngitsunik akiligassanngoreersunik akiitsoqanngitsoq Akiliisitsiniarnermut oqartussamit uppernarsaat

MALUGIUK!

Inissialiortiternermut aningaasalersuinissamut taarsigassarsinissamik qinnuteqarnermut pisortanit taarsigassarsiarititat tamarmiusut* **0,5 %-anik** akiliummik akiliissaatit. Akiliutit qinnuteqaativit suliarineqarneranut aningaasartuutitut matussutaassaaq.

TAARSIGASSARSIAT TUNNIUNNEQARNERAT

Inissiaq sananeqareerpat aammalu nutserfiginissaanut piareeruit, taarsigassarsiarititat tunniunneqarsinnaalissapput.

TAARSIGASSARSIARITITAT TUNNIUNNEQARSINNAANISSAANNUT NASSIUTISSAVATIT:

- Kommunit atuilernissamut akuersissut*
- Sanaartornermut naatsorsuutit inaarutaasut uppernarsagaasullu
- Qularnaveeqqusiussaqaarluni taarsigassarsinermut uppernarsaatip allaqqaarnera, uparuaanertaqanngitsumik nalunaarsorneqareersoq naqissuserneqareersorlu
- Sillimmasiissummut uppernarsaat
- Qularnaveeqqusiiffigisap nalunaarutaata nalunaarsugaasup allaqqaarnera



PIGINNITTUNUT TUNNGASUNI ALLANNGORTOQARNERA

Inissiap piginnittua allanngorpat, taarsigassarsiarititat tamakkerlugit akilerneqassapput, ilaanatik taarsigassarsisup taassumalu katissimallugu aappaata akornanni piginnittut nikinnerat, imaluunniit kommunalbestyrelsi allatut aalajangerpat.

TAARSIGASSARSARIITAT INGERLAANNAQ UTERTILLUGIT AKILERNEQARNISSAANNUT PISSUTAASUT ALLAT:

- 1 Taarsigassarsianut erniat akilersuutissallu akilersorneqanngippata
- 2 Taarsigassarsisup inissiaq isumannaatsumik aserfallatsaalinngippagu
- 3 Taarsigassarsisup inissiaq ikuallattoornissamut aamma illup ajoqusernissaanut sillimmasersimanngippagu.
- 4 Attartortitsisarnermut inatsimmik unioqquitsilluni inissiaq attartortinneqarpat
- 5 Inissiami ininik inuussutissarsiornermut atugassanik aaqqissuussisoqarpat, imaluunniit inissiamiit inuussutissarsiummik ingerlatsisoqarpat. Taamaattoq inuussutissarsiutit annikitsut namminersorfusut ilaangillat
- 6 Piginnittut nikinneranni taarsigassarsisup kommuni nalunaarfiginngippagu
- 7 Piginnittut nikinneranni taarsigassarsisup piginnittut nikinnerannut akiligassat akilinngippagit

INATSIIT

Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq.

ILLULIORTITERNERNUT ANINGAASALERSUINEQ PILLUGU INATSIT

ILUARSAASSINISSAMUT TAARSIGASSARSIARITITAT



AALLAQQAASIUT

Inissiamik iluarsaassinisaaq, pitsanngorsaannisaaq imaluunniit allilerinissaaq akisusinnaavoq. Illulioriternernut aningaasalersuineq pillugu Inatsisartut inatsisaat ulloq **1. januar 2018** aallarnerfigalugu atuutilerpoq. Inatsimmi tassani inigisavit iluarsaannissaanut, pitsanngorsarnissaanut imaluunniit allilernissaanut kommunimit taarsigassarsinissamik qinnuteqarnissamat periarfissaqarputit.

Kommuni inissiani pioreersuni iluarsaassinissamat, pitsanngorsaannisamat allilerinissamullu aningaasartuutit tamarmiusut **40 %-ii tikillugit** – taamaattoq annerpaamik **300.000 koruuninik** - taarsigassarsititsinnaavoq. Sinneruttut minnerpaamik **60 %-iusut** nammineerlutit akilersinnaassavatit.

ASSERSUUT:

500.000 koruuninut iluarsaassinissamat suliassanut missingersuinermik pissarsisimavutit.

Tamatuma kingorna iluarsaassinissamat taarsigassarsinissamik kommunimut qinnuteqarputit, tassani sanaartornermut aningaasartuutit **40 %-iinit** taarsigassarsinissamat neriorsuummik pissarsillutit, pisumi matumani **200.000 koruunit**.

Sinneri **60 %-it**, tassalu **300.000 koruunit**, nammineerlutit aningaasalersussavatit – tamanna nalinginnaasumik aningaaserivimmi taarsigassarsinikkut pisarpoq.

Inissiamut ataatsimut iluarsaassinermut, pitsanngorsaanermit imaluunniit allilerinermit ataatsimoortumik ataatsimik taamaallaat taarsigassarsititsisoqarsinnaavoq.

Allilerereernerup kingorna inissiap angissusaa **110 m2-init** annertuninngortillugu, allilerinissanut taarsigassarsititsisoqarsinnaanngilaq.

Taarsigassarsiat taarsigassarsiatut erniaqaratillu akilersugassaangitsutut tunniunneqassapput, inissiaq qularnaveeqqusiullugu qularnaarneqartussanik. Taarsigassarsinermi inissiaq qularnaveeqqusiullugu allanik taarsigassarsinissaaq akornuserneqanngilaq.

PIUMASAQAATIT

TAARSIGASSARSISINNAANISSAMUT PIUMASAQAATAAVOQ:

- Inissiaq inissiamut piginnittup, taassuma katissimallugu aappaata imaluunniit meeraasa ukiukitsut inigisaattut atorneqassasoq
- Inissiaq piffissami qinnuteqarnermi ukiunit 20-init pisoqaanerussasoq
- Inissiaq ikuallattoornissamut aamma illup ajoqusernissaanut sillimaserneqarsimassasoq, aammalu sillimasiissummut akilinngitsuukkanik* akiitsoqassanngitsoq
- Iluarsaassineq imaluunniit pitsanngorsaaneq inuulluarniutitut iluseqassanngitsoq, assersuutigalugu spabad



QINNUTEQARNEQ

Qinnuteqaat kommunitum allaganngorlugu nassiunneqassaaq, assersuutigalugu e-mail-ikkut imaluunniit fax-ikkut.

QINNUTEQAATIP IMARISSAVAI:

- 1 Iluarsaassinissamut, pitsanngorsaanissamut imaluunniit allilerinissamut kissaatigineqartumut nassuiaat
- 2 Inissiamut nassuiaat, ilanngullugu pisoqaassusaa, angissusaa pitsaassusaa
- 3 Suliaqarnermi aningaasartuutitut tamarmiusunut missingersuinerit*
- 4 Suliaqarnernut pineqartunut nunaminertamik atugassiisoqassasoq piunasaqaataappat, kommunitum nunaminertamik atugassiineq imaluunniit nunaminertamik inniminniineq
- 5 Ilaanut aningaasalersuineq nammineq isumagisinnaagit uppersaat
- 6 Qinnuteqartup CPR-normua aamma najukkamut uppersaat
- 7 Inissiamut piginnittumut tunngasunut uppersaat
- 8 Illit qinnuteqartoq pisortanut akilerneqanngitsunik akiitsoqanngitsutit Akiliisitsiniarnermut oqartussamit uppersaat

MALUGIUK!

Inissialiortiternermut aningaasalersuinissamut taarsigassarsinissamik qinnuteqarnermut pisortanut taarsigassarsiaritit tamarmiusut*

0,5 %-anik akiliummik akiliissaatit. Akiliutit qinnuteqaativit suliarineqarneranut aningaasartuutitut matussutaassaq.

INISSIAMIK PIGINNITTUNI ALLANGORTOQARNERA

Piginnittuni nikittoqarluni pisoqarpat, illit piginnittutut taarsigassarsiarititat ataatsikkut akilissavatit. Taamaattoq tamanna atuutissangilaq:

- 1** Inissiaq aapparisamut tunigukku (aappariit iluanni piginnittut nikinnerat)
- 2** Averusernermut imaluunniit avinnermut atatillugu piginnittut nikippata
- 3** Kommunalbestyrelsi allamik aalajangiippat



TAARSIGASSARSIARITITAT AAMMA UTERTILLUGIT AKILERNEQASSAPPUT:

- 1** Inissiat paarilluanngikkukku, kommunillu paasippagu qularnaveeqqusiussartik* ajornerulersimasoq
- 2** Inissiaq ikuallattoornissamut illullu ajoqusersinnaaneranut sillimasersimanngikkukku

Atugassarititaasut inissianik attartortitsisarneq pillugu Inatsisartut peqqussutaanni attartortitsineranut akigititanik aalajangersaaneq pillugu maleruagassanut akierliusut
- 3** tunngavigalugit inissiaq attartortikkukku. Assersuutigalugu inatsisit malillugit akilersinneqarsinnaasunit qaffasinnerusunngorlugu attartortitsineranut akigititat aalajangerukku, imaluunniit inissiaq suliffeqarfimmut attartortinneqarpat
- 4** Inissiami ininik inuussutissarsiornermut atugassianik aaqqissuussisimaguit, imaluunniit inissiamiit inuussutissarsiummik ingerlatsisoqarpat. Inuussutissarsiuilli annikitsut namminersorfiusullu ilaangillat
- 5** Inissiaq taarsigassarsisumit atorneqanngippat



INATSISIT

Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq.



ILLULIORTITERNERNUT ANINGAASALERSUINEQ PILLUGU INATSIT

**SORAARNERUSSUTISIALINNUT
TAARSIGASSARSITITSINEQ**



AALLAQQAASIUT

Inigisap iluarsaannissaanut akissaqanngikkaanni, inigisami najugaqaannarnissaq ajornakusoorsinnaavoq. Aammalu soraarnerussutisiaqartuulluni imaluunniit siusinaartumik soraarnerussutisiaqartuulluni iluarsaassinermik suliassanut annertunerusunut ileqqaarniarneq ajornakusoorsinnaavoq.

Soraarnerussutisialinnut imaluunniit siusinaartumik soraarnerussutisialinnut, iluarsaassinissamut taarsigassarsiarititat paarlattuanik, inissiaq aalajangersimasumik pisoqaassuseqassasoq imaluunniit angissuseqassasoq piumasaqaataanngilaq.

Taamaattoq taamaallaat iluarsaassinissamut taarsigassarsitinneqarnissamik qinnuteqarsinnaavutit – tassa imaappoq pitsanngorsaanernuunngitsoq imaluunniit allilerinernuunngitsoq.

Kommuni inissiamik pioreersumik iluarsaassinissamut **300.000 koruunit** tikillugit taarsigassarsititsinnaavoq. Inissiaq soraarnerussutisiallip inigisaatut atorneqartuussaaq aammalu soraarnerussutisialik, aappaqaruni taassuma katissimallugu aapparisaataatsimoorlutik inissiamik kisimiillutik piginnittuussallutik.



ASSERSUUT:

Soraarnerussutisialittut, iluarsaassinissamut taarsigassarsiarititat nalinginnaasut paarlattuanik, nammineerlutit procentinngorlugu aalajangersakkamik ilaanut akiliisussaanak, **300.000 koruunit** tikillugit taarsigassarsinnaavutit. Tamanna isumaqarpoq, iluarsaassineq **250.000 koruuninik** akeqarpat, aningaasartai tamakkerlugit taarsigassarsinissamut kommunimut qinneqarsinnaavutit.

Utoqqalinersiutinik, siusinaartumik soraarnerussutisianik pisinnaatitaaguut, imaluunniit tjenestemanditut soraarnerussutisiaqaruit, soraarnerussutisialittut isigineqassaatit.

Katissimallugu aapparissamut sanilliunneqarput nalunaarsugaasumik aappariinneq, imaluunniit ukiuni kingullerni marlunni inooqatigiinneq pisimappat, katissimalluni aappariinnermut assingusumik inooqatigiinneq.

Inissiap atorneqarfissaanik imaluunniit atorneqarneranik allannngortitsisunut iluarsaassinernut taarsigassarsitinneqarsinnaanngilatit. Aammalu tamanna inuullarniutitut isikkoqarpat, soorlu assersuutigalugu spabad, taarsigassarsitinneqarsinnaanngilatit.

Taarsigassarsiat taarsigassarsiatut erniaqaratillu akilersugassaannngitsutut tunniunneqassapput, inissiaq qularnaveeqqusiullugu qularnaarneqartussanik. Taarsigassarsinermi inissiaq qularnaveeqqusiullugu allanik taarsigassarsinissaq akornuserneqanngilaq.

KOMMUNIMIT TAARSIGASSARSINISSAMUT PIUMASAQAATIT

- 1** Aningaaserivimmit imaluunniit realkreditinstitut-imit iluarsaassinerup akilernissaanut atugassarititaasut nalinginnaasut tunngavigalugit taarsigassarsinissamik itigartinneqarsimavutit
- 2** Inissiaq ikuallattoornissamut aamma illup ajoqusernissaanut sillimmaserneqarsimassasoq, aammalu sillimmasiissummut akiitsoqassanngitsoq*
- 3** Katissimallugu aapparissaq (taamaassimappat) piginneqataasoq iluarsaassinissamut aammalu tarsigassarsitinneqarnissamik qinnuteqaammut akuersisimappat

QINNUTEQARNEQ

Qinnuteqaat kommunimut allaganngorlugu nassiunneqassaaq, assersuutigalugu e-mail-ikkut imaluunniit fax-ikkut.

QINNUTEQAATIP IMARISSAVAI:

- 1 Iluarsaassinissamut, pitsanngorsaanissamut imaluunniit allilerinissamut kissaatigineqartumut nassuiaat
- 2 Inissiamut nassuiaat, ilanngullugu pisoqaassusaa, angissusaa pitsaassusaalu
- 3 Suliaqarnermi aningaasartuutininut tamarmiusunut missingersuinerit*
- 4 Suliaqarnernut pineqartunut nunaminertamik atugassiisoqassasoq piunasaqaataappat, kommunimit nunaminertamik atugassiineq imaluunniit nunaminertamik inniminniineq*
- 5 Illit ilaanut nammineq aningaasalersuisinnaanermut uppernarsaat
- 6 Qinnuteqartup CPR-normua aamma najukkamut uppernarsaat
- 7 Inissiamut piginnittuunermut tunngasunut uppernarsaat
- 8 Illit qinnuteqartoq pisortanut akiitsoqanngitsutit Akiliisitsiniarnermut oqartussamit uppernarsaat

MALUGIUK!

Inissialiortiternermut aningaasalersuinissamut taarsigassarsinissamik qinnuteqarnermut pisortanit taarsigassarsiarititat tamarmiusut **0,5 %-anik** akiliummik akiliissaatit. Akiliutit qinnuteqaativit suliarineqarneranut aningaasartuutininut matussutaassaaq.



ILLULIORTITERNERNUT ANINGAASALERSUINEQ PILLUGU INATSIT

**TAPERSIISSUTITALIMMIK
INISSIALIORTITERNERMUT
ILLULIANIK ILUARSAASSINEQ**



TAPIISSUTEQARNISSAMUT PERIARFISSAT

Inissiamik iluarsaassinissaq, pitsanngorsaannissaq alliliinissarlunniit akisusinnaavoq.

1. januar 2020-mi illuliortiternernut aningaasalersuineq pillugu Inatsisartut inatsisaat atuutilerpoq. Inatsit taanna atorlugu inissiamik pigisannik iluarsaassinissamut, pitsanngorsaannissamut alliliinissamullunniit tapiiffigineqarnissamik kommunimut qinnuteqarsinnaalerputit.

Inissianik, inunnit ukiuni akileraarfiusuni kingullerni marlunni ukiumut inoqutigiinni **300.000 koruunit** inorlugit akileraarutaasussanik isertitaqarsimasunit pigineqartunik iluarsaassinissamut, pitsanngorsaannissamut alliliinissamullunniit kommuni annerpaamik **150.000 koruuninik** tapiissuteqarsinnaavoq.

Aaqqissuussinerup aamma siunissami atorineqarnissaa qulakkeerniarlugu, inunnut siunissami qanittumi ukiumut inoqutigiinni **300.000 koruunit** inorlugit akileraarutaasussanik isertitaqartussat naatsorsuutigineqartunut annerpaamik **150.000 koruuninik** tapiissuteqarsinnaavoq, maannarpiarlunniit inoqutigiinni isertitat amerlanerugaluarpata.

Meeqqamut angerlarsimaffimmi najugaqartumut, 18-it inorlugit ukiulimmut ataatsimut, inuit nalunaarsorsimaffianni najukkami najugaqartutut nalunaarsorsimasumut isertitassanut killiliussat **4.000 koruuninik** qaffanneqartassapput. Tamannali meeqqanut amerlanerpaamik arfinilinnut atuuppoq. Tassalu isertitassanut killiliussat annerpaamik **24.000 koruuninik** qaffanneqarsinnaapput.

Maanna piginnittuusut taarsigassarsisoralugit Namminersorlutik Oqartussanut ingerlasunik taarsigassarsiaqartoqarpat, imaluunniit Namminersorlutik Oqartussanut taarsigassarsiaqartoqarsimappat aatsaat tapiisoqarsinnaavoq.

Isertitakinnerit inissiamik pigisaminnik aammattaaq aserfallatsaaliuinissamut, kiisalu inissiamik pigisaminnik alliliinissamut periarfissaqarnissaannik qulakkeerinissaq aalajangersakkami siunertarineqarpoq.



QQAATSINUT NASSUIAAT

NALINGINNAASUMIK

AKIITSUT SINNERI

Taarsigassarsianut utertillugit akilersimanngisatit.

ANINGAASARTANIK KINGUMOORTUMIK NAATSORSUINEQ

Aningaasartanik kingumoortumik naatsorsuinermi siunissami aningaasartaasussat maannakut nalinganut naatsorsorneqartarput. Siunissami aningaasartuutaasussat, assersuutigalugu taarsigassarsiat akilersorneqarnerannut, ullumikkut aningaasartuutissanit annikinnerupput (maannakut nalinga), tassami akigitat ingerlaavartumik annertusiartorlutik ineriartortarmata (aningaasat naleerukkiartornerat).

ANINGAASAT NALINGA

Taarsigassarsiaritit maannakut nalingat paasiniarlugu taarsigassarsiaritit aningaasartareqqaagaannut amerlisaataasussaq.

NATIONALBANKIP ERNIALIUSSAA

Ernialiussaq Nationalbankip aningaaserivinnut taarsigassarsititsinermi ernianik naatsorsuinermini atortagaa.

PIFFISSAQ AKILERSUIFFISSAQ

Piffissaq tamakkiisoq taarsigassarsiavit akilersorneqarfissaat.

TAMAKKERLUGIT AKILINEQ

Taarsigassarsiat tamakkerlugit akilernissaat isumaqarpoq, aningaasat akiitsorineqartut tamakkerlugit utertillugit akilerneqarnerat. Tamanna taarsigassarsiat akilersorneqarfissaasa pissusissamisoortumik naanerani imaluunniit piffissaliussaq sioqqullugu taarsigassarsiat utertillugit akilernissaasa toqqarneqarnerani pisinnaavoq.

TAARSIGASSARSARITITAT TAARSIGASSARSITITSINERMI ANINGAASARTAI

Akiitsut pilersinneqaqqaarneranni taarsigassarsiaritit at aningaasartai tamarmiusut.

TAARSIGASSARSAT MAANNAKKUT NALINGAT

Taarsigassarsiat maannakkut nalingat, aningaasartanut taarsigassarsianut siunissami akiliutissanut matussusiusunut, ullumi akigititanut naatsorsorneqartunut, naatsorsuinernut takussutissaavoq.

QULARNAVEEQQUSIUSSAQARLUNI QULARNAVEEQQUSINEQ

Aningaaserivik assersuutigalugu inigisat qularnaveeqqusiivigisimappagu (qularnaveeqqusiisimappat) inissiaq aserorterneqassagalarpat, qularnaveeqqusiussaqarluni qularnaveeqqusiineq ajorseriartinneqassaaq. Taamaalilluni qularnaveeqqusiussaqarluni qularnaveeqqusiineq tassaavoq, aningaaseriviup aningaasaatimi utertissinnaanissaannut qularnaveeqqusiinera.

OQAATSINUT NASSUIAAT

NUTAANIK INISSIALIORNEQ

ATUILERNISSAMUT AKUERSISSUT

Illuliorneq naammassippat, inissiamik atuilersinnaanernut akuersissut inaarutaasoq.

NUNAMINERTAMIK INNIMINNIINEQ AAMMA NUNAMINERTAMIK ATUGASSIINEQ

Nunaminertamik nutaamik atuilerneq sunaluunniit kommunalbestyrelsip nunaminertamik atugassiinertut iluseqartumik akuersissuteqarnissaa pisariaqarpoq. tamanna aamma nunaminertap imaluunniit illup atorneqarnerata allanngornerani atuuppoq.

Nunaminertamik inniminniineq kommunalbestyrelsip qinnuteqartumut neriorsuummik tunniussinissamik siunertaqarneranut ersiutaavoq.

MISSINGERSUINEQ

Qanoq akeqalissaneranut missingersuineq. Tassalu akigititaq pisussaaffiliinngitsoq, kisianni pingaarnertigut eqqoriaannarneqartoq.

PIFFISSAQ AKILERSUIFFISSAQ

Piffissaq tamakkiisoq taarsigassarsiaavit akilersorneqarfissaat.

PISORTANIT TAARSIGASSARSIAKITITAM TARMARIUSUT

Inissiamik aalajangersimasumik sananissamut atatillugu pisortanit taarsigassarsiarititit aningaasartai tarmariusut.

QULARNAVEEQUSIIFFIGISAP NALUNAARUTAA

Qularnaveeqqusiiffigisap nalunaarutaa tassaavoq illit qularnaveeqqusiiffigisatut aammalu sillimmasiisarfiup sillimmasiissuteqarfigisavit akornanni isumaqatigiissut. Tassaasinnaavoq ilinnut inuttut imaluunniit pigisanut illit pigisarnut sillimmasiissut. Qularnaveeqqusiiffigisap nalunaarutaanik pissarsinernut isumaavoq, illit qularnaveeqqusiiffigisatut arlaatigut qularnaveeqquserneqarnissat. Taamaattoqarnerani sillimmasiissummi matussuserneqartussamik pisoqassagaluarpat, sillimmasiisarfiup isumaqatigiissummi pisussaaffini naammassissavaa sillimmasiissummilu pissarsitillutit.

QULARNAVEEQQUSIUSSAQARLUNI TAARSIGASSARSITITSINERMUT UPPERNARSAAT

Uppernarsaat pigisami aalaakkaasumi, biilini allaniluunniit qularnaveeqqusiussinermut atorneqartoq. Qularnaveeqqusiussaqaarluni taarsigassarsititsinermut uppernarsaammik peqarnermi taarsigassarsititsisoq (aningaaserivik, kommuni allallu) aningaasat taarsigassarsiaritinneqartut utertillugit akilernerneqarnissaannut qularnaarissaaq.

SANAARTORNERMUT ANINGAASARTUUTIT

Aningaasartuutit tamarmiusut sanaartornermut attuumassuteqartut, ilanngullugit sanaartugassamut pilersaaruserneq, sanasunut aningasartuutit, illuliornissamut taarsigassarsianut ernialiussat, sanaartorfissagissaaneq, atassusiinnermut akitsuutit, illuliornerup allaffissornikkut aquneqarnera, siunnersortinnerit, allaffissorneq, piginnittuunermit uppernarsaammik aamma qularnaveeqqusiussaqaarluni taarsigassarsititsinermut uppernarsaatinik suliaqarneq, naqqissusiinnermut akitsuutit, ilaalu ilanngullugit. Sanaartornermit aningaasartuutit tamarmiusunut missingersuinermit suliaqarnermi taamaalliluni aningaasartuutit arlalippassuit ilanngunneqassapput.

TAARSIGASSARSITINNEQARNISSAMIK NERIORSUUT

Taarsigassarsititsisumit (aningaaserivik, kommuni allallu) pisortatigoortumik neqeroort, taarsigassarsiarititassat tunniunneqartussat pillugit paasissutissanik imaqartoq.

TAARSIGASSARSITITSINERMI ANNERPAAFFISSATUT KILLILIUSSAQ

Aningaasat annerpaamik taarsigassarsiarisinnaasatit.

QQAATSINUT NASSUIAAT

ILUARSAASSINISSAMUT TAARSIGASSARSIARITITAT

MISSINGERSUINEQ

Qanoq akeqalissanersoq missingersuineq. Tassalu akigititaq pisussaaffiliinngitsoq, kisianni pingaarnertigut eqqoriaannarneqartoq.

NUNAMINERTAMIK ATUGASSINEQ IMALUUNNIIT NUNAMINERTAMIK INNIMINNIINEQ

Nunaminertamik nutaamik atuilerneq sunaluunniit kommunalbestyrelsip nunaminertamik atugassiinertut iluseqartumik akuersissuteqarnissaa pisariaqarpoq. Tamanna aamma nunaminertap imaluunniit illup atornerqarnerata allanngornerani atuuppoq. Nunaminertamik inniminniineq kommunalbestyrelsip qinnuteqartumut neriorsuummik tunniussinissamik siunertaqarneranut ersiutaavoq.

PISORTANIT TAARSIGASSARSIARITITAT TAMARMIUSUT

Inissiamik aalajangersimasumik sananissamut atatillugu pisortanit taarsigassarsiarititad aningaasartai tamarmiusut.

QULARNAVEEQUSIUSSAQARLUNI QULARNAVEEQUSIINEQ

Aningaaserivik assersuutigalugu inigisat qularnaveeqqusiivigisimappagu (qularnaveeqqusiisimappat) inissiaq aserorterneqassagaluarpad, qularnaveeqqusiussaqlarluni qularnaveeqqusiineq ajorseriartinneqassaaq. Tassalu qularnaveeqqusiussaqlarluni qularnaveeqqusiineq tassaavoq aningaaseriviup aningaasaatimi utertissinnaanissaannut qularnaveeqqusiussaa.

SANAARTORNERMUT ANINGAASARTUUTIT

Aningaasartuutit tamarmiusut sanaartornermut attuumassuteqartut, ilanngullugit sanaartugassamut pilersaaruserneq, sanasunut aningasartuutit, illuliornissamut taarsigassarsianut ernialiusat, sanaartorfissagissaaneq, atassusiinnermut akitsuutit, illuliornerup allaffissornikkut aqunneqarnera, siunnersortinnerit, allaffissorneq, piginnittuunermit uppersaammik aamma qularnaveeqqusiussaqluni taarsigassarsitsinnermit uppersaatinik suliaqarneq, naqqissusiinnermit akitsuutit ilaalu ilanngullugit. Sanaartornermut aningaasartuutitut tamarmiusunut missingersuinnermik suliaqarnermi taamaalilluni aningaasartuutit arlalippassuit ilanngunneqassapput.

SILLIMASIISUMMUT AKIITSUT AKILINNGITSUUKKAT

Tassaavoq sillimasiisup sillimasiisarfirmut isumaqatigiissutigineqartoq sillimasiissutip aningaasartai, tassalu sillimasiissutip akia, akilersimangikkaa.

TAARSIGASSARSITINNEQARNISSAMIK NERIORSUUT

Taarsigassarsitsisumit (aningaaserivik, kommuni allallu) pisortatigoortumik neqeroort, taarsigassarsiarititassat pillugit paasissutissanik imaqartoq.

OQAATSINUT NASSUIAAT

SORAARNERUSSUTISIALINNUK TAARSIGASSARSITITSINEQ

ATUILERNISSAMUT AKUERSISSUT

Illuliorneq naammassippat, inissiamik atuilersinnaanernut akuersissut inaarutaasoq.

MISSINGERSUINEQ

Qanoq akeqalissanersoq missingersuineq. Tassalu akigititaq pisussaaffiliinngitsoq, kisianni pingaarnertigut eqqoriaannarneqartoq.

NUNAMINERTAMIK ATUGASSINEQ IMALUUNNIIT NUNAMINERTAMIK INNIMINNIINEQ

Nunaminertamik nutaamik atuilerneq sunaluunniit kommunalbestyrelsip nunaminertamik atugassinertut iluseqartumik akuersissuteqarnissaa pisariaqarpoq. tamanna aamma nunaminertap imaluunniit illup atorneqarnerata allanngornerani atuuppoq.

Nunaminertamik inniminniineq kommunalbestyrelsip qinnuteqartumut neriorsuummik tunniussinissamik siunertaqarneranut ersiutaavoq.

PISORTANIT TAARSIGASSARSARITITAT TAMARMIUSUT

Inissiamik aalajangersimasumik sananissamut atatillugu pisortanit taarsigassarsariritat aningaasartai tamarmiusut.

QULARNAVEEQUSIIFFIGISAP NALUNARUTAA

Qularnaveeqqusiiffigisap nalunaarutaa tassaavoq illit qularnaveeqqusiiffigisatut aammalu sillimmasiisarfiup sillimmasiissuteqarfigisavit akornanni isumaqatigiissut. Tassaasinnaavoq ilinnut inuttut imaluunniit pigisanut illit pigisarnut sillimmasiissut. Qularnaveeqqusiiffigisap nalunaarutaanik pissarsinernut isumaavoq, illit qularnaveeqqusiiffigisatut arlaatigut qularnaveeqquserneqarnissat. Taamaattoqarnerani sillimmasiissummi matussuserneqartussamik pisoqassagaluarpat, sillimmasiisarfiup isumaqatigiissummi pissusaaffini naammassissavaa sillimmasiissummilu pissarsitillutit.

QULARNAVEEQUSIUSSAQARLUNI TAARSIGASSARSITITSINERMUT UPPERNARSAAT

Uppernarsaat pigisami aalaakkaasumi, biilini allaniluunniit qularnaveeqqusiussinermut atorpeqartoq. Qularnaveeqqusiussaqaarluni taarsigassarsititsinermut uppernarsaammik peqarnermi taarsigassarsititsisoq (aningaaserivik, kommuni allallu) aningaasat taarsigassarsiaritunneqartut utertillugit akilerneqarnissaannut qularnaarissaaq.

SILLIMMASIISSUMMUT AKIITSUT AKILINNGITSUUKKAT

Tassaavoq sillimmasiisup sillimmasiisarfiimmut isumaqatigiissutigineqartoq sillimmasiisutip aningaasartai, tassalu sillimmasiisutip akia, akilersimangikkaa.

TAARSIGASSARSITINNEQARNISSAMIK NERORSUUT

Taarsigassarsititsisumit (aningaaserivik, kommuni allallu) pisortatigoortumik neqeroort, taarsigassarsiarititassat tunniunneqartussat pillugit paasissutissanik imaqartoq.

QUPPERSAGAQ 'INIGISAT' AAMMA UUNGA AANEQARSINNAAVOQ:
WWW.NAALAKKERSUISUT.GL AAMMA **WWW.SULLISSIVIK.GL**

TASSANI AAMMA ATUARSINNAAVATIT:

- **ATTARTORTUMIIT PIGINNITTUMUT AAQISSUUSSINEQ**
- **PIGINNEQATIGIILLUNI INISSIAT PILLUGIT INATSIT**
- **ILLUNUT SANAQATAAFFIUSUNUT INATSIT**

